

INUIT ATAQATIGIIT

Inatsisartuni



05. januar 2021

Inatsisartut Suleriaasianni § 37 imm. 1 naapertorlugu Naalakkersuisunut apeqquq imaattoq matumuuna saqqummiuppara.

Naalakkersuisunut apeqquq:

- 1. Assersuutigalugu ilinniartitsisutut naammaseriarlunga, fiskeriingeniøritut ilinnialeruma naammassinissama tungaanut ilinniagaqarnermusiaqarsinnaati-taassanerpunga?**
 - a. Aammalu aningaasaqarnikkut ajunngitsorsiassat tamaasa pigiinnarsinnaanerpakka?**
 - b. Naamiuppat, tamanna sumik peqquteqarpa?**
- 2. Ilinniartitsisunngoreersimallunga, fiskeriingeniøritut ilinniarniarlunga aallartinniaruma, aporfissaqarsimappallu, aporfissat taakku qanoq aaqqinneqarsinnaappat?**
 - a. Inatsisitigut aamma peqqussutitigut?**
 - b. Allaffissornikkut?**

(Inatsisartuni ilaasortaq Peter Olsen, Inuit Ataqatigiit)

Tunngavilersuut:

Ilinniartitsisunngorlaat ilaanniit paasitinneqarnera naapertorlugu, ilinniartitsinngorlaajullunga fiskeriingeniøritut aallartinniaruma taava fiskeriingeniøritut naammassinissama tungaanut ilinniagarnermusiaqarsinnaanngilanga, ilinniagaqarnermusiaqarnissamut qiortagaatima (klippekort) naammanginneri pissutaalluni.

Siorna 2019-mi DTU suleqatigalugu Sisimiuni fiskeriteknologimi, diplomimik ilinniartitaaneq nutaat aallarteqqammerneqarpoq. Aalisarnej nunatsinni inuussutissarsiuutini pingaarnersaavoq, namminerlu uagut nunaqavissuusugut ineriartortitsinerimi sapinngisamik peqataalluarnissarput pingaaruteqarluinnarpoq, ikittuinnaavugut pisinnaasut, ilinniagaqalerusuttullu tamaasa atorfissaqartippagut, taamaattumik pisariaqanngitsumik killilersuinissaq pisariaqartinnigilarput, ilinniagaqarniarlutik aallartikkusuttut qimarratsissanngikkutsigit.

Taamatut tunngavilersuuteqarlunga matumuuna apeqquqteqaatiga ingerlateqqippara.

Kissaatigaaralu apeqququtima ullut qulit iluanni akineqassasoq.

Kissaatigivara apeqquqtikka ullut suliffiusut qulit qaangiutinnginneranni akineqarnissaat.